

in corona et choro accendendis et sex den. oppermannis pro labore eorum ac II sol. pro vino refectorii et unum sol. succentori. Item in diebus assumptionis purificationis et dedicacionis in quolibet illorum dierum dominis canonicis montis sancti Mauricii XVII sol. et sancte crucis XV sol. fuerunt temporibus dicti domini Nicolai prepositi ministrati per eundem. Dabuntur eciam anno quolibet in die beate Elizabeth campanariis III sol., ut cereos et crucibulum per anni circulum accendant cum diligencia et extinguant.

Copie im Copialbuch des Hildesheimer Domcapitels, XV. Jahrh. im Staatsarchiv zu Hannover, p. 745—746.

---

V. Bischof Friedrich von Schwerin befreit Nicolaus Hud, Domherrn zu Schwerin, auf ein Jahr von der Residenzpflicht. 1369, Juni 28. Warin.

Fredericus permissione divina episcopus Zwerinensis honorabili viro domino Nicolao Hud canonico ecclesie nostre Zwerinensis sinceram in domino caritatem. Ut in ecclesia Zwerinensi, in qua canonicus prebendatus existis, residenciam personalem a data presencium ad annum continuum facere minime teneatis, dummodo ecclesia predicta in debitis serviciis ex parte tui ibidem faciendis non fraudetur, ex causis racionabilibus pro parte tua coram nobis allegatis et nos moventibus statutis synodalibus seu mandatis quibuscumque per predecessores nostros seu per nos editis seu promulgatis aut promulgandis non obstantibus tibi tenore presencium indulgemus. In quorum testimonium sigillum nostrum presentibus est appensum. Datum in castro nostro Waryn anno domini MCCCLXIX in vigilia apostolorum Petri et Pauli apostolorum.

Copie im Copialbuch des Hildesheimer Domcapitels, XV. Jahrh., im Staatsarchiv zu Hannover, p. 650.

---